



Politička organizacija građana "Naša stranka"

Branilaca Sarajeva 5/1, 71 000 Sarajevo

Telefon: 033 408 888; Fax: 033 408 881

E-mail: nasastranka@nasastranka.ba

Web: www.nasastranka.ba

Broj: _____/22
Sarajevo, 29.04.2022.

Skupština Kantona Sarajevo
Zastupnica Neira Dizdarević
Naša stranka

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
VLADA KANTONA SARAJEVO
KANTONALNA UPRAVA ZA INSPEKCIJSKE POSLOVE**

PREDMET: ZASTUPNIČKA INICIJATIVA

Poštovani,

na osnovu članova 106. i 213. Poslovnika Skupštine Kantona Sarajevo („Službene novine Kantona Sarajevo - Drugi novi prečišćeni tekst br.: 41/12, 15/13, 47/13, 47/15 i 48/16) upućujem zastupničku inicijativu Kantonalnoj upravi za inspeksijske poslove i Općini Ilidža:

“Etažni vlasnici naselja Bulevar već duže vrijeme imaju problem sa fasadama na kojima se nalaze reklame, što u njihovim stanovima prilikom jačeg vjetera pravi nesnosnu buku i tokom zime vlagu i stvaranje plijesni na zidovima.

Iako sam ranije upućivala inicijativu za mjerenje buke u stanovima tokom vjetrovitog vremena nikada od KUIP-a nisam dobila odgovor, te ovom prilikom ponovo upućujem istu.

Molim da se izvrši inspeksijski nadzor nad radom građevinskih inspektora Općine Ilidža koji su izvršili nadzor i naredili investitoru otklanjanje nedostataka, međutim i pored izvršenih radova stanje se u mnogim stanovima nije promijenilo.

Molim i da se izvrši inspeksijski nadzor nad radom lica koja su odgovorna za tehnički prijem i upotrebnu dozvolu za zgrade naselja Bulevar jer je očito da je fasada na mjestu reklama manje debljine sa manjim termoizolacijskim dijelom.

Budući da su fasade zajednički dijelovi zgrade molim da se u inspeksijski nadzor uključi i inspektorat u stambenoj oblasti jer ovo predstavlja nužnu ili hitnu opravku koju upravnik mora u saradnji sa investitorom da prati i otkloni.

Mnogi etažni vlasnici koji imaju probleme sa vlagom i plijesni se žale da predstavnik etažnih vlasnika na adresama Džemala Bijedića 279K i 279L u potpunosti izbjegava pozive i poruke etažnih vlasnika u vezi navedenog problema, ignoriše ih dok su zdravlje i njihova imovina ugroženi, a predstavnik etažnih vlasnika je uposlenik investitora ili njegovih sestrinskih firmi, pa vjerovatno u tome i leži problem.

Molim inspekciju u stambenoj oblasti da ukoliko je to zakonski moguće naloži upravitelju angažovanje sudskog vještaka kako bi se jasno utvrdio izvor problema, ukoliko to nije moguće onda molim da se naloži predstavniku etažnih vlasnika da prikupi potpise za poslove vanrednog upravljanja shodno članu 36. kako bi se angažovao sudski vještak, čije vještačenje u ovom slučaju je neophodno.”

S poštovanjem,

Neira Dizdarević

Zastupnica Naše stranke u Skupštini Kantona Sarajevo